



Inuiaqatigiit suliassarivaat meeqqat atornerluiniartunut illersornissaat

Naammanngilaq meeqqanik 12-it inorlugit ukiulinnik atornerluinermut atatillugu sakkortunerusumik pineqatissiinerup kisimi isumalluutigineqarnissaa. Taamatut oqariartuuteqarpoq Kalaallit Nunaanni Meeqqat Ikiortigit, naalakkersuisut qanittukkut taaneqartutut pinerlunnermut atatillugu inatsisip allannguutissaa taasissutigimmas-suk.

Meeqqanik 12-it inorlugit ukiulinnik atornerluilluni innarliineq tamatigit peqarnii-saarnermik persuttaanermillu imaqartarpoq, timikkullu persuttaanerunngikkaangami tassaasarluni tarnikkut naqisimanneq, persuttaanissamik qunusaarinikkut, grooming atorlugu, salloqittaaarinnillunilu sunniiniarnikkut, Meeqqat Ikiortigit-mi siulittaasoq Jonna Ketwa erseqqissumik oqarpoq. Kalaallillu Nunaanni kinguaasiuutitigit atornerluisarnerit apparsarniarutisigit, taava allanik sukaterutininik aamma eqqussisoqartariaqarpoq:

”Annerpamik suliniutigisinnaasarput tassaavoq atornerluisarnernik pinaveersaartitsinissaq, inuiaqatigiit akornanni kanngutsaaliortunik katsorsaaniikkut,” Jonna Ketwa oqarpoq.

Eqqorneqartup inatsisitigit illersorneqarnissaa tunulliuunneqarluni suusupagineqassanngilaq Inunnik ulorianartorsiortitsilluni, soorlu persuttaalluni, kinguaasiuutitigit meeqqanik atornerluilluni imal. pinngitsaaliilluni atoqateqarluni pisoqartillugu inuk eqqorneqartoq annernartorsuarnik erloqinermillu misigitinneqartarpoq. Eqqugaasullu ilaasa taamatut misiginertik inuunnerup sinnerani nammatarilersarpaat. Ila eqqugaasunut misigisaq akisusaqaaq. Taamaattumik eqqunngitsuliortoq pinerluutiminut atatillugu aamma sakkortoorsuarnik misigitinneqartariaqarpoq.

”Isumatusaarneruvoq inuiaqatigiinnut erseqqissumik nalunaaruteqarnissaq, ersersillugu meeqqanik atornerluinerit pinngitsaaliinerillu sakkortuumik pillaaserneqartassammata., taamatut iliorneq eqqugaasunut inatsisitigit inuiaqatigiinnullu toqqisisimanarnerussammat. Pinerlullutik unioqqutitsisisut inunnut ulorianartunik iliuuseqartut, ullutsinni tunngaviit malillugit pineqarnerat ”sakkukippallaartaqaaq”, Jonna Ketwa oqarpoq assersuutillu arlaqartut innersuussutigalugit, takutitsisut pinngitsaliillutik atoqatiginnissimasut unataallutillu persuttaasimasut qaammarterpaaluit mattusimaneqartartut. Kanngutsaaliortoq qaammatialunni mattunneqarnermigut allanngornaviannngilaq:

”Pinerluuteqarsimasut tuitik kivitsiaannassavaat, eqqorneqartut inuiaqatigiinnit sumiginnarneqarsimallutik misigisut, inuiaqatigiinnit nakkutiginnittussaagaluartunit. Inatsisisigit ingerlatseriaatsigut iluarsaanneqartariaqarput qularnaveeqquserlugu eqqorneqartut inatsisitigit illersorneqarnissaat”.

Innuttaasoq atornerlunneqarsimalluni nalunaarniariarpat oqartussaaffiit nalunaarummik pimoorussillutik tigusissapput erngertumillu qisuariaateqarlutik.

Isumannaartariaqarparput, kanngutsaaliortluni pinerluuteqartut pikkorissumik eqqartuussissuserisumik pissarsinikkut ajortuliaminnit akikinaaralutik aniguisinnaanissaat pisinnaassanngimmat.



Pillaatissinneqarnek kingorna katsorsaanermik malitseqartinneqassaaq.

Meeqqalli Ikiortigit aamma erseqqissarusuppaat, sakkortuumik pineqaatissiinerit imminneq Kalaallit Nunaanni atornerluineq tunngavigalugu ajornartorsiutinik angeqisunik aaqqiisinnaanngimmata.

”Inuiaqatigiittut isiginiartariaqarparput qanoq iliorluta pinngitsaaliillutik atornerluisartunik nungusaasinnaaneq ingerlanneqartariqartoq aammalu pisut kingunerisigut katsorsaanerit qanoq ingerlanneqarsinnaasut. Ilami taamaattut mattutiinnarsinnaanngilagut imal. sikuamut inissiinnarlugit taavalu puiguinnarlugit, Jonna ketwa oqarpoq.

Taavaa, mattussinerit katsorsaanermik malitseqartinneqartariaqarmata, soorlu ilaqarnissamik kajungnerat nakorsaait atorlugit apparsarlugu allatullu millisarlugu, ajortulionerminnik uteqqiinnginnissaat anguniarlugu. Tamakku saniasigut ujartorpai akissutsit erseqqissut, atornerluinerit qanoq akiorniarnarat ingerlanniarnaqartariaqartoq, soorlu tamanna aamma naalakkersuisut atornerluisarnermik akiuiniarlutik Killiliisamik tallugu sSaqqummiussaanni allanneqarsimasoq.

”Qimerloortariaqarpagut suut allannortissinnaanerlugit, atornerluilluni pinerluuteqar-tarnerup pitsaaliornissaanut. Soorlu sooq meeqqanut kanngutsaaliuisarnerit pinerisa kingorna malersuisinnaanermut piffissamik killeqartitsisoqarpa? Kalaallit Nunaanni ilaqarnissamik kajungnermik nakorsaait atorlugit apparsaaneq immineq aaliangerneq imal. pinngitsaaliissummik sinaakkuserlugu ingerlanneqassava?

Meerartagut paarilluassavagut

Meeqqat Ikiortigit naqissuserumavaat, iliuserisassat sapinngisamik tamarmik siunertarissammassuk meerartatta inuusuttatalu illersornissaat.

”Soorluli angajoqqaat suut tamaasa atorlugit meeqqaminnik ilersuisussaasut, aamma atornerlunneqarnissamut meeqqat inuussuttullu illersorneqarnissaat inuiaqagiinnit isumagisassaavoq. Pinerluummi pinerluutit akornanni ajornerpaanut ilaavoq, meeqaanillu atornerluisartut pinerlunneri pineqatissiisutillu ullutsinni inatsisit tunngavigalugit imminnut naapertuutinnigilat, Jonna Ketwa oqarpoq.

Meeqqat Ikiortigit oqariartuutaat naapertorlugit suliniuteqarnissaq assigiinngitsunik ingerlanneqarsinnaavoq. Soorlu assersuutigalugu sakkortunerusumik pineqaatissiisoqartalersinnaavoq, kisannili aamma misissugaasut takutippaat, pillaatissiinerit sakkortuut killormut sunniuteqarsinnaasartut, tassalu pisoqaqqinnissamut qaninnerulertitsisinnaallutik, sakkukinnerusumik pilaatissiinerit taamatu ilioqqinnissamut ajunnginerusumik unissaataasinnaasut.

”Taamaattumik erseqqissumik paasillugulu ilisimasariaqarparput sorleq pitsaanerusumik sunniuteqarsinnaanersoq, erseqqissumilli paasillugu inatsisit kisimik, Kalaallit Nunatsinni ajornartorsiutip angisuup aaqqinnissaannut naammannngimmata,” naggasiilluni oqarpoq.

Annertunerusunik paasisaqarumasut qinnuvigineqarput saaffigeqqullugu, siulersuisunut siulittaasoq Jonna Ketwa +299 246550.